



UNIVERSITÄTS-
BIBLIOTHEK
PADERBORN

Universitätsbibliothek Paderborn

Afflictio Consolans, Seu Svccincta Non Minvs Ac Clara Methodvs

Wintrich, Victor

Coloniæ, 1644

Discvrsvs VIII. Ostenditur, quod ideo Afflictio nos consolari debeat, quia
humilitatem & mortificationem docet.

[urn:nbn:de:hbz:466:1-45734](https://nbn-resolving.org/urn:nbn:de:hbz:466:1-45734)

sus orare non cessat. Apostoli mergenda
nauicula clausi ardentissimè diuinam
petunt opem.

Dicite, quæso, quot orantes tempe- *Drexeli²*
state iam sedata, coelo sereno, euitato
iam naufragio nautas vidistis? quot mili-
tes vidistis, qui pectus tunderent, dum
hoste procul ad ignem sederent, & sales
facetiasq; sererent?

Ne tibi igitur, ô Christiane, ingrata
aut molesta sit tribulatio, qua tua creuit
deuotio, grata Deo, solamen præsentis-
simum reportatura.

DISCVRSVS VIII.

Ostenditur, quod ideo Affli-
ctio nos consolari debeat,
quia humilitatem & morti-
ficationem docet.

*Hæc sit consolatio mea, vt affligens
me dolore, non parcat.*

• Iob 6. v. 10.

Saluator noster, plurimas finientis
mundi tribulationes enumerans,
Sur-

Matt. 24. Surget, inquit, gens contra gentem, regnum aduersus regnum, terrae motus erunt, pestilentiae & fames terroresq; de caelo, sed nondum malorum finis. Ideo materiam de tribulatione necdum finire statui, sed dicere lubet

Primò, extra tribulationem positos dissolui,

Secundò, in illa mortificari homines.

Vetus illa lex lapidibus exarata, in holocaustis, mortua, non viua offerri Deo animalia iubebat; vt nostris, nos, voluntatibus & appetitibus emori, vt Deo grata fiamus sacrificia, doceremur.

Coll. 3.

Mortificate, clamat Apostolus, *mortificate membra vestra super terram*, offerre viuentem, quidem, hostiam, dicit, sed mortificatam. Abnegate, clamat Christus, vosmetipsos. Sed in prosperis hoc fieri, tam difficile, tam durum, quam quod impossibile est. Reputat sic magnus ille Basilius, ita enim habet: Nihil aliud est abnegatio, nisi summa vitae transactæ obliuio, atque à suis ipsius voluntatibus recessio, quam in vita communi assequi, longè est difficillimum, ne

in Reg.

Dis. 9. 6.

di-

dicam ab omni profus, ne fieri possit, facultate remotissimum. Optimè ad rem Clemens Alexandrinus: Syluescit vitis, *Lib. 1. pag. 8.* & in labruscas degenerat, nisi putetur; *dag. c. 8.* exorbitat homo, nisi flagelletur.

Exorbitabant certè Niniuitæ in prosperis, quorum tanta erat leuitas, vt Dominus diceret: *Ascendit malitia eius contra me.* *Ion. 1.* Ecce aliam Sodomam: Intrabat vnusquisq; ad vxorem proximi sui, non erat veritas, non scientia Dei in illis, mendacium & periurium inundabant, sanguis sanguinem tangebatur. Vnde hæc leuitas? vnde malitia tanta? nimis agebant prosperè, securè & tranquillè nimis viuebant.

Exorbitabat Rex Achab intantum, vt & Prophetas Dei impunè viuere non permetteret: *Fecit Achab malum in conspectu Domini super omnes qui fuerunt ante eum.* *3. Reg. 16.* Ecce exorbitationem. Præcesserunt pessimi.

Hieroboam, qui peccauit, & peccare fecit, Israël in vitulis aureis quos posuerat, vnum, in Bethel, alterum, in Dan. Nadab, Baasa, Hila Zambri, Amri, qui omnes maximè ad iracundiam prouocauerunt

runt

runt Deum Israël, & abominabilis erat eorum vita. Sed hic Achab præcessit in malitia, super omnes malus fuit, tollit vineam Naboth, innocentem occidit, persecutus est Prophetas, & omni Israël erat in scandalum & offensionis lapidem, bene illi est, & humiliare se nescit.

Exorbitabat sic Paulus, ut præ omnibus vnus ille & solus in Christianos sæuiret, cum enim Stephanus lapidabatur, ut in omnium esset lapidantium manibus, ille cunctorum vestimenta custodit, nec satis est illi in Ierusalem, in Christi sæuire membra, sed & litteras petit in Damascum sanguineæ potestatis, ut si inueniret huius via viros & mulieres, perduceret vincetos, spirans minarum erat & cædis in discipulos. O Saule, Saule, immortificate, cur sic spumas? cur sæuis? Bene mihi est.

Act. 7.

Chrysoft. Diuus Chrysoftomus excellentissime & aureo prorsus ore rem oculis subiiciens: Si vultis, inquit, duas domus describamus, hanc quidem nubentium, illam lugentium, vtramque mente ingrediamur, videamus vtra melior: hic in domo nubentium, **Deæ Saturitas**, Pro-
terui-

teruitas, Ebrietas, hic Bacchus & Venus habitant, hic omnium vox, hodie licet insanire: ast inuenitur lugubris, plena sapientiæ, omnia composita, altum hic silentium, mortis meditatio, nihil inordinatum, insuper *risum dicunt errorem, Eccls. 2. & gaudio aiunt, cur frustra deciperis?*

ADVERSA MORTIFICANT.

Nubentium erat Ciuitas Niniue magna nimis; Audire lubet mutationem? Venit Ionas itinere vnus diei, *adhuc, Ion. 3. inquit, quadraginta dies, & Niniue subuertetur*, omnia aduersa prædicat, minatur euersionem, iram Dei inculcat; & sequitur mortificatio magna: *Surrexit Rex de folio, abiecit vestimentum suum à se, & indutus est sacco, & sedit in cinere, & clamauit, & dixit: In Niniue ex ore Regis & Principum eius, homines & iumenta, & boues & pecora nec gustent quicquam, nec pascantur, & aquam non bibant, operiantur saccis homines & iumenta, & clament ad Dominum in fortitudine sua, & conuertatur vir à via sua pessima, & ab omni iniquitate qua est in manibus eius.* Ingredere, Christiane, has

has

has Ciuitatis huius lugubres domus,
menteq; considera quam omnia pacata,
quam mortificata inuenias cuncta, mox
audies: *Vidit Dominus opera eorum, quia
conuersi sunt de via sua mala, & misertus
est super malitiam.*

Hæc ergo sit consolatio affligi, hu-
miliari, & placere Deo.

Per Eliam Prophetam Achab Regi
Israel prænunciatur aduersitas magna
nimis: *Ecce inducam super te malum, &
3.Reg. 21. demetam posteriora tua, interficiam de
Achab vsque ad mingentem ad parie-
tem, dabo domum tuam sicut domum
Hieroboam filij Nabath, si mortuus fuerit
Achab in ciuitate, comedent eum canes,
si in agro, comedent eum volucres cæli.*
Sequitur: *Itaque cum audisset Achab
sermones istos, scidit vestimenta sua, ope-
ruit cilicio carnem suam, ieiunauit, &
dormiuit in sacco, & ambulabat demisso
capite.* Ingredere regiam hanc, & si
quicquam in alijs, tristi Rege, leuitatis
inuenias, diligenter explora, omnia ad
grauitatem composita, omnia lachry-
mas prouocantia videbis, & affligentis
mortificationis reperies fructum. Se-
quitur:

quitur: Factus est sermo Domini ad Eliam: *Nonne vidisti humilitatem Achab, coram me? quia igitur humiliatus est mei causa, non inducam malum in diebus eius.*

Hæc igitur sit consolatio nostra, ut humiliati afflictione poenas euidamus, & placetur Deus.

Exorbitationem Sauli audiui: nunc & aduersa passum, & in ijs Electionis vas factum consideremus; in terram prostratus cæcus efficitur, ad manus ducitur, & ait: *Domine quid me vis facere?* Act. 9.

Ingrediamur domum eius lugubrem cum Anania, & ieiunantem inueniemus, orantem auscultabimus, agnum ex lupo factum mirabimur, baptizatus, confirmatus in bono, & illum prædicat, quem persequebatur, tribus diebus nec manducauit nec bibit, non sic nudius tertius.

O afflictio humilians ut exaltes.

Hæc igitur sit consolatio nostra, ut mortificati nosmetipsos abnegantes Deo hostiam offeramus placentem & placabilem.

Optimè ergo quod in se senserat idem Paulus, Romanis postea & nobis prædicat, *consepulti sumus cum eo in mortem,* & Rom. 6.

D

quo-

quomodo Christus surrexit à mortuis per
gloriam Patris, ita & nos in nouitate uitae
ambulemus. Sit igitur vetus homo cru-
cifixus, sit afflictus, vt mortificatum de-
struatur corpus peccati. Concludat
confirmet hæc Augustinus, sic loquens.
Equus non se domat, Elephante non
se domat, Leo non se domat, sed vt do-
metur Equus, Elephante, Leo, quaeritur
homo; ergo vt dometur homo, quaerit-
tur Deus. At hic Domitor noster pro-
fert flagella, sicut nos iumenta frænis,
fustibus, flagellis mitescere docemus.

Psal. 37.

Dicam igitur: *Ego in flagella paratus
sum*, vt mortificer & domer, vt te sesso-
rem patiar, mi Deus. Item enarrat in
Psalm. 31. hæc explicans verba, *In camo
& fræno maxillas &c.* sic habet: Equus
& mulus vis esse, vis non habere sesso-
rem? constringetur os tuum, & maxilla
tuæ in fræno & camo, multa flagella pec-
catorum, non est mirum si adhibito
fræno sequantur flagella, indomitum e-
nim, superbum non humiliatum animal
esse cupiebat, domatur fræno & flagello,
& vtinam perdometur, verendum est e-
nim ne nimium resistendo indomitum

relinqui mereatur, & ire in suam vagam
 licentiam, vt dicatur, prodijt quasi ex
 adipe iniquitas eorum: ergo cùm flagel-
 latur, dometur, mortificetur, humilietur
 vt exaltetur. Et hæc porrò sit consolatio
 affligi & humiliari, quia tunc tu Deus
 dabis gratiam & exaltabis.

DISCURSVS IX.

Ostenditur, quòd miserix sint
 patienter ferendæ, vt sint
 solatio.

*Hæc sit consolatio mea, vt affligens
 me dolore non partat.*

Iob 6. v. 10.

SI, vt experientia discimus, & clariùs
 testatur, homo ille qui breui victurus Iob 14.
 est tempore, multis repleatur mise-
 rijs, nemini mirum videbitur, quod et-
 iam de miserijs multis multa dicam, &
 diu: vt tamen nobis solatio sint, patien-

D 2

ter